



疍貪驢雞籠

不時都聽人咧講：「錢毋是萬能，毋過無錢萬萬不能。」無毋著，人散到地矣，不時都橐袋仔袋磅子，會滿四界碰壁。啊若有錢就會當買真濟咱想欲捏的物件，有當時仔嘛誠有路用，咱會使開淡薄仔錢，透過各種無全的交通工具，有可能節省缺少的時間，加做缺少的代誌。

有人講：「人兩跤，錢四跤。」用錢趁錢加誠緊。當今咱臺灣的社會，有一寡人是好額甲欲死，逐日都食山珍海味，穿綾羅綢緞，出門駛彼款算千萬的進口車，見蹣攏是億來億去的大厝宅，過無煩無惱的好日子。毋過，大部份的手面趁食人，逐日都為著厝裡一家大細的生活恰所費咧走從，有的甚至連基本的生活都度袂得過。敢講咱臺灣的社會真正破病矣？

俗語有講：「有錢使鬼會挨磨(e-bō)。」大多數用錢趁錢的大富戶，會當出懸價倩真濟人共伊服侍恰出力，幫助伊達成願望，有出名的律師、會計師、利頭組的學者、公眾人物恰小部份的宗教人士，上蓋害的是無定著有大甲死無人的大官虎，失去良知去做伊的門神，予伊做靠山，致到伊趁大錢的心肝大甲若山、若海。「趁錢趁無數，良心攏無顧」，進口糞埤材料，製造出連伊家己啖都毋敢啖的食用油，毒害戔伊、養伊長大成人的親朋好友恰鄉親。天理佇佢？良心佇佢？

按呢伊敢就真正就當安安穩穩、快快樂樂咧？人講，世間有真濟物件是有錢買袂著的。親像毋知是佢一个先知所講起的，有錢：

- 買會著好食物仔，買袂著好喙斗；
- 買會著有名的著作，買袂著學問恰智慧；
- 買會著辛勞共你服侍，買袂著知己的朋友；
- 買會著別人的欣羨，買袂著別人的尊敬；
- 買會著好聽的頭銜(hâm)，買袂著真正的榮耀。
- 買會著價值規十萬的膨床，買袂著好睏眠。
- 買會著貴參參的化妝品，嘛買袂著美麗恰良心；
- 買會著規百萬的時錶仔，嘛買袂著自由自在的時間。

作者：陳憲國

☆詞彙學習☆

【疍貪驢雞籠】siáu-tham nòng ke-lam：勸人不要貪得無厭

【不時】put-sî：時常、常常

【到地矣】--kàu-tē-ah：到某種地步、程度，多讀輕聲

【橐袋仔袋磅子】lak-tē-á-tē pōng-tsí：比喻身無半分錢

【綾羅綢緞】lîng-lô-tiû-tuân：奢華的衣著

【億來億去】：溢來溢去之諧音，喻數以億計之金額

【手面趁食人】tshiú-bîn thàn-tsiáh-lâng：喻靠勞力討生活者

【走從】tsáu-tsông：奔波

【利頭組】lî-thâu-tsoo：喻唯利是圖者

【死無人】sí-bô-lâng：比喻極為、非常

【啖】tam：淺嘗

《臺灣閩南語常用詞辭典》<http://twblg.dict.edu.tw>